

華知録古

農商務省
和圖書
第五一號
共三冊

太政官文庫
和書門
類號函架冊
二七九
二七九
二七九

庫文閣内		内閣文庫	
一五七函	二五冊	番號	和 8172
一九架		冊數	25 (17)
		函號	157 357



琴和録卷之十四

目次

梁田邦美附毅
大島喜侍

吳任顯郭隆

味木子

梅田仙菴

温谷迷軒

鳥居與治

長束隆朴

兩伯陽

井上桐菴

大島草庵

宇佐美左助

浅井貫齋

向井間樂

山井君彞

高瀬希朴

釋凶輝

釋如玄

荒川景元

竹田蒿菴

木梨遂成

蔭山淳父

垣内希八

上野義剛

潮田高教

李衡正

大高芝山

板坂意齋

宮瀬玄亭

星合明卿

岩橋景淳

多田常輔

明治十三年購之

六二番

固本亘之	木梨玄宅	有馬涼及	平川春益
田中履道	坂井良宝	北圃仲温	竹内太冲
美濃雄久	井口仲庖	太田子業	坂井平七
黒岩道碩	田中好问	小貫徽典	佐野隠山
石処士	木原原進	伊藤蘭岨	野田尚甫
金谷世雄	藏田公民	河村子喬	河村士美
浅井润夫	宮本良輔	土橋伯静	本多子和
山本子和	菊池叔成	山本子謙	南藤子道
桑山大奎	草野士行	蝦敬夫	川合子長
宮所徳甫	速水象之	児鳥仲舒	

心越
尾藤約山

多田李婉

奥田三角

永田觀鵝

舉知錄卷之十四

梁田邦美

府君字景鸞諱邦美初諱邦彥產于武州嘗讀明輿
志覽武夷山中換骨巖石室前有仙蛻函以武州
竊擬武夷因自號蛻巖藤姓梁田氏上祖嘗居下
毛州梁田邑乃代以地為氏云

府君小字新六幼嗜耽曲籍記性甚牢生九歲從處
士大橋生受讀孝經小學十一歲被髮為儒生更
稱元叔同仲父毅齋先生為太史人見鶴山先生
門人會提學任溪堂為廐橋侯所辟為本邑教授

天和三年癸亥秋九月同仲父及管善長從任氏
之旣橋有紀行詩十數篇今也失稿明年夏辭還
江戶又就提學兒島元春訂易戴記訓點是歲始
讀左氏班馬十四歲讀東漢書十五歲讀明本三
國志晉書涉獵群書十六歲學四六並平文頗為
先輩所推獎講說小學論語十數章莊子內篇畧
通文義十八歲始治四子批點大全書蒙引存疑
淺說遂讀山崎闇齋氏所著蒙養齋發集文會筆
錄玉山講義附錄等書專攻學治詩經朱傳讀
大全書并古註疏蒙引又讀通鑑綱目課業易与

綱目隔日每夜讀韓柳並八家文批至廿一歲而
畢元祿辛未府君年二十七以儒業干北雄鎮居三
年礼待稍衰輒致為臣去束髮稱才右衛門与仲
父毅齋先生俱講書都下以束脩為產丁丑年為
加納侯所辟以文學備顧問得月俸三十口遂扈
如加納侯嗜學承命講經史校訂庫書居十歲扈
從東都往還九度宝永丙戌謝病去而僑居都下
前後十三年四罹延天生計困蹙日甚而無書雲
之媒又無驥尾之求清貧自安謂居易以俟命吾
不能而行儉微幸吾不為焉府君不嗜諸武技惟

文按白石翼
替用事在室
三河此言是祿
初 因田伯
隣始說批集
中詩題注在
元聖年翁生覽
文十二年已早
年則翁謂白
石年已四十以
上而以亦三
廿六何也

擊劍之好少從東都劍師真里谷氏學三年自以
為不成而同門乃以既成許云然歿齒不復言劍
術一以斯文自任注意鑽硯元祿初鶴山先生就
木當是時白石源公以一世英才入侍內閣賈董
自居翼替用事名聲振朝野公性簡重高持風裁
不妄容接府君年廿六因田伯隣始謁公見而
奇其文延齒門客懇款備至乃每為詩為文輒就
而質焉又締交室鳩巢宅觀瀾二博士討論大業
旁及弗朽且與時彦相周旋而水府安澹泊對州
兩伯陽東都田伯隣暨祕監杉巖先生最為莫逆

後數年師心自振遂樹立一家凡為學思章句據
輿旨以知道為宗惡彼治經膠傳註色取仁而行
違堂々自高昔乃右紫陽左象山德性問學相為
經緯曰人皆為堯舜吾孰謗孰禁性天理氣之說
以從不理氣先後與分天理氣票而二焉之說專
以氣言天地之初一氣而已矣氣即道一即氣理
氣果無先後天理氣票果不二也初在都下從橫
山當永氏學神道後入吉川家之門聞惟足氏之
說講習日本紀中臣被等又讀垂加翁所著神書
頗左袒其說嘗慨然而嘆曰東方有道也若是而

山崎

神道者流大抵漢學空疎腹無墨偏憑和訓其所
說旨趣多繆戾卒使後生迷歧路而醉而夢其弊
遂至遺此東方之道不逮彼浮屠氏之學漸盛惜
夫然又不排竺教壯歲參勝林中華和尚閱圓悟
大慧等諸錄後與台密尊宿交問佛說及論師之
義晚而言余益悟妄即真、即妄世出世道竝行
而不相悖也夫詆議內典彈斥禪佛亦皆古今間
儒林舊習何爭之有陳眉公有云佛者譏儒不讀
儒書之過儒者譏佛不讀佛書之過余以為知言
吾宣聖之學東方之道乾毒之教蓋相為鼎足而

不相忤於脩己誘人寧邦家蘇民人苟有裨則斯
可矣寧獲罪於吾黨之士而不忍拘泥偏倚也而
不必欲使人佞佛又不必欲使人排佛由其所因
而誨之而已凡為教寬而密簡而周會有士庶乞
誠者曰脩身經國之要布在方策吾復何言謝退
之至懇祈不已乃云卿等之撰持異乎學人瑣々
言行則出入而奚妨若夫大義所關大倫所係嚴
然毫不可放縱也辟猶樓居杯盤狼籍舞蹈俯仰
其間豈至有傷支體如踰度忘分檻外失一脚即
墮不啻傷支體命亦危矣所以教諭大都類此凡

為文、爺六經四子、娘左氏班馬、昆弟韓柳歐蘇、且
參以一家言、務去鈎棘深晦之語、多以達意為主、
以為脩辭達意、固相表裏、辭不脩意不達、意不達
辭無用、故真脩辭自有達意、真達意自有脩辭、矣
以歧而二、為亦唯研究字句章篇、並助語五法、而
有得則意胎、趣氣生、文、又生、文變態異、狀皆自
肺腑中流出、如泉湧雲壘、乃可以為文矣、凡為詩
原自己之性情、而不摹古人、守古人之格律、而擅
自己、應題、因境、體裁不一、於唐以下、諸名家未嘗
不擇采焉、奇險艱澁、雖如徐袁鍾譚、皆入其彀、而

無遺、而又未嘗甘唐以下、諸名家之唾、涼晚年特
愛白氏、時放其體、享保己亥、夏筮仕赤石、且夕教
授邑人士、要體公命、講古經、慰勞具至、乃作秦伯
其可謂至德矣、章講義一、马上之後、十數年、邑中
有端人正士、異才卓識者、數舉會業、以相砥礪、

^{定府}

君少時作文、不過應一時之請、非有意為文者、文
若詩、或罹災、或從人採去、脫稿即散失、故赤石以
前諸作、存者十一、二焉、晚節益不事纂述、恒言世
儒有作為於道、無可尊於文、無可觀之書、恬然放
榜坊間、以某先生著大書、鈞名偷譽、以求售者、有

道士恥之余亦恥之寬保年不肖輯錄府君之文
成編乃圖授剞劂氏以公於四方敢告府君、
不肯曰凡物罕則貴夥則賤卿雲景星以晨夕孰
仰之蘭時桂苑遠嗅之馥郁天香迺之而厭心生
焉而况茲編半苟一出則流臭於海內不如藏篋
笥遺諸雲仍三請而後徐曰穀聞過情君子恥之
觀茲編者是其是非其非瑕瑜不苟相掩墨抹以
鉞之朱圈以冕之能使我情暴干四方則罪我者
知我也何問穀價損不損聽汝請亦無不可也文
集於是平始上梓府君為人泛愛博納樂易好善

弗愛衣食器玩弗治生以儲擔石而無肆用以致
負債而獨購書不費之愛也生平氣仁言溫不喜
言人之過惡與客談及財利米鹽之事唯、
疾語
果而後言佗及當事乃更激烈不避貴權、
亦
以其出純實也無有怪恚為人或曰先生強識一
覽能誦然昨所晤言今不記其人每相值如新何
居府君哂而不答復問乃曰強識吾何當然斐然
君子磊落偉人固止論雖武弁俗吏醫卜僧道采
一善可采一技可觀昔一接眉終身不忘半扇之
面不為不可認焉乃夫庸人則轉眄即忘是不敢

傲惰故忘焉。性資自然也。問者始服寬保癸亥要
體公老嗣君德本公立屢召說經傳恩眷加渥久
十二月朔特命每朔望歲時。行人校尉同。以特
進奉謁寬。定己巳冬。請老被髮稱蛻翁。府君年三
十。業見二毛。未及五十。齒牙豁。眉髮皓。七十齒
牙不復存。一根眉髮咸黃。而精神強固。電彩炯炯。
校書經營文詩。不減少壯時。暮齡文名益藉甚。請
記序銘贊及寄題次韵者。遠近相踵。且交游書牘
恒三四十通。堆乎几案之間。皆親繕寫。未嘗命人
府君稟氣完粹。休素無疾。年八十以後。每值懸弧

之辰。必邀親朋。躬自酌酢。賦詩圍碁。譚笑竟日。罄
推而罷。性不解飲。而過小盞。淺酌莫為強。推去席
上酒徒。即詹。曉。相叫呼。如始無酒徒。第坐竟
席。八十一歲。自撰家譜。世系為之序。授不肖。且播
族人。梁田氏。諸可傳誦者。乃咸由是彰矣。府君之
能顯揚先德者。類如此。書堂前長松白芙蓉。各有
一株。素愛之。嘗題詩云。東園花發木芙蓉。夜露清
風。灑古松。每旦晨起。倘伴園中掃葉洒水。還憑几
讀書。夙夜不釋卷。恒愛看儀禮。世說新語。鶴林
玉露。蘓長公文集等書。其讀書也。潛心注神。彼此

無間、大凡展卷、僅過十行、則旁人之話言請告耳、若不聽、掩卷之後、試問之、向話言請告、一無所省、雖傳奇野史亦然、其於古人最尚、鴻弟子留侯在、唐宋唯服狄梁公文、信公司馬君實、范希文四人、嘗言經傳之旨、不難知、難于行耳、誦之不行、猶不誦也、然人、為氣稟所累、其器不能無苦、竄若余之器、固苦竄、故學苦竄、詩暨文、從而苦竄、重華以後、無重華、何以陶我、亦唯靈臺各有重華、而普天之下、與河濱接壤、自及而誠、奚憂不陶、視我裘裳、舍我觴觶、務及童蒙、而求之、不得罪于先覺之希、

然磨鍼而鍼、且有勞磨斧而鍼、其勞何如哉、顧其勢必不得不怠、因扁書齋以竄、坐卧視以自警、又言、元祿中、江都有失明儒人、後藤松軒、年七十餘、以經朋識宏、為東諸侯所敬、禮亦傑魁士也、余年廿八、偶見之、需余講論、語君子不重、則不威、章講畢、松軒曰、論語猶麒麟、孟子猶師子、今也吾子所說佳、則佳矣、但所可憾者、說麟為師子、失聖人溫良之語意、比無佗、實壯年豪銳之氣使然也、天假數年、熟讀玩索、則必有自得焉、勉旃、余嘆異久之、以為能形容至聖大賢之判、數年之後、曉然覺論

語似獅子孟子類麟宜聖辭氣溫厚如肉角不觸而氣象乃至大至剛不可當雖紺眼獐瓜殆有逡巡畏伏不得仰之狀矣觀小管仲見南子欲往公山弗擾等乃可見也孟夫子所應對教誨則咸是戰國士大夫其語自雄壯所以不能無圭角也宜乍見以為師子其實不及宜聖之剛大一層顧松軒窺陽而不解陰蓋所謂眼光不透紙背者宿學如渠尚且不免汝輩宜益研經義又言少未仕在東都慷慨尚氣節喜與諸豪傑游兵家則高田閑甫本多鼠生高松正春佐枝碎玉澤井某劍則真

里谷某伊庭是水武光柳風軒馭師則齋藤定易根岬某書家則細井廣澤玉置某方外則法霖萬菴桃溪皆相友善居仁何仕加納賜宅於伊賀風山翁左隣翁強記識字精兵法亦一代之聞也以故一見如舊晝月譚論管仲韓非孫武尉繚子皆評周瑜赤壁謝玄淝水織田公桶間信玄氏戶石謙信氏中川島諸戰閱機密辨將村當否扼腕按劍躍如色飛故溫謹博學之士駭為命之曰霸儒後及覃思經業昔年之霸氣渙然消融而不知所之汝輩宜覃思經業府君時會某侶又結象棋社

不擇高低輪對迨深夜而一無勸色夏月秋朝值
明媚之候泛小艇於淺渚釣沙魚眺覽江山以為
樂最後皆廢焉唯文籍之娛暇則或諧句遣興曰
少與諧人其角嵐雪等交深指蕉家之諧蓋有韻
國雅之工猶有不可象之景情而諧乃不然能鑄
俗于雅轉腐于新亦一種風流可謂奎壁之餘彩
哉府君歿後彙其和歌諧句及和文諧文為二卷
顏曰片玉集亦是府君文氣之餘彩也府君寬文
十二年壬子正月廿四日子時生於武州江戸神
田蜜曆七年丁丑七月十七日酉時卒於本邑赤

編

石南郭得壽八十有六葬中莊本立寺先孺人之
北右法諡曰浦月菴廓然蛻巖所著蛻巖集前後
十六卷答問書三卷行於世先孺人桐生氏相州
處士治右衛門君諱道治女子二適諱朝式因廢
病為僧次郎不肖邦寬保癸亥本鎮命為番直
士今以班特進為邑教授娶小林氏本邑昔頭官
九郎左衛門政意女子男各一女各一女適本邑醫
官井上玄美諱清齋已嫁五歲學孫女一而卒男
字南八諱邦維未聘并男邦寬著行狀

高祖考梁田中務大輔政信君在古河公麾下永祿

末專關宿城其男左衛門佐政細鬼九郎某皆以
勇略聞我曾祖四郎某君為長子而以庶母出不
得立為後乃退如下野國梁田村遂家為益祖先
所嘗居處云及祖滿秀君降為蔣田家士臣先人
勝秀君有男六人美乃第五子也幼讀書同叔兄
勝信執業兄有口木善說書以經明仕高崎侯梁
氏家譜序

就美九歲塾師十一見鶴山塾先生人見氏姓小野名
宜卿字友元号竹
洞又號鶴山同諸郎學毅病驪偶及弱冠先人詆
擯之慈圖使美蚤有誓于雄藩事垂成而先人歿

乃同止兄某奉母家居每定省之暇從當世先進
猶知研究性命作文辭當此時

憲廟方好學祭酒林公用事且夕欲立其門下而
不得進丁丑春被加納侯辟為世子侍讀居十歲
丙戌春以病辭退而講道芝門南教授生徒數十
人束脩之入衣食粗給美初見浮屠師中華喜譚
禪且性輕脫不脩邊幅以恢諧遊戲為常以故為
拘謹士所忌生徒聚散無定衣食或不足癸巳春
徙居神田而男生又會妻患乳痛鑿藥百方經半
歲乃痊衣食益寬諸年亦無復一人至譬諸孤軍

絕域援兵失期徒張空拳以突重圍也其窮以前
日殆十倍丙申父幸得因飯田隆興氏聞名於祭
酒公左右備門負生而後都下諸友識吾旗幟者
稍々而集如可使敗軍之將再執抱鼓而前也然
比年二災五徙遐陬僻地勢不可復振矣母今年
八十一在仲兄處甘美之奉固雖不乏而每聞其
美貧窶為憂雖不孝不敬如美者不能使方寸不
亂也思甫五載食十日無魚美在他所每有珍羞
嘉者一念及此箸不以可下妻又蓬首垢面以傭
縫為業雖歲時未嘗更荆布昌黎所謂冬煖而妻

號寒年登而兒啼飢者皆以為虛誕今而果知其
為實然也嗟乎天之所以窮乏我者至此而極耶
將使我轉於溝壑妻子流離四方而後已耶抑惡
我小有才剛愎自用擠壓之拂鬱之使我為怪松
醜石愈變而愈奇以供造物者之玩耶夫以天為
可知而易言之則誣天者也以為不可知而置諸
冥冥則慢天者也斯二者過莫大焉傳曰君子居
易以俟命小人行險以徼幸美誠小人也而三十
年間學之力亦不為不知攸嚮矣自今而往痛自
懲艾尊所聞行所知孳孳乎弗戾於上帝是祗足

下謂以美之齒之才而無媒仕進非其罪也所相
識諸賢不能為之一推其轂是為憾耳此足下惻
怛至情專於憫人困阨而不念天之所与者若是
其偏而雖有濟物拔彙如諸賢者亦未如之何也
故美不敢匿家私而自陳也如此翁桂彩叢書

僕

十二三時塾師授以眉山涪翁取蒙齋萬里為藍
本視純唐猶弁髦中歲會謁白石源公得聞濟南
牟州諸才子之風務為模擬泊自喜未暮如有
厭適讀袁中郎食指已動後又得徐文長乃深諸
鼎而大悅豁然悟以為文苑士師心獨立自我創

垂當如是安忍向人唾中拾璣乎於是乎奇儉怪
說恋熊盲出撚髯揮毫揚自得辟諸呂布馬超
騎快馬如龍弓絃有霹靂聲八面無人及一旦大
夢覺病醒解乃知為風雅中一罪人且悔且愧斷
以閑天為關七子為引陽春白雪每奏弥高斗文
紫氣每望弥昌季子裘敝猶可改呂虔刀鈍尚可
磨寧為王季取履不敢辭遂使兩血之誓爪化為
食椹之柔吻也是不特賴天之靈實源公鞭影為
外道閑迷雲也久矣而社中諸彦鉗鎚之力也顧
區區家醜雖不可自揚以視高朋而駢脅公子生祥

走曹秋秦楚間十九年，櫛風沐雨之所致，匪夫據
上以觀望，坐享貴富者比也。足下謂之何？復鳴鳳
卿書
僕性好竒，自總角不欲與鼠輩比。有人黃鳥已，猶之
人鵲為己鳥之經，執之與文辭月遷年變詩亦從
之初學宋歐蘓而下，旁及放翁簡齋中學唐祖禰
李杜綠飾以錢劉諸名家材識陋劣，萬不可企退
而學明甘為王李銀鹿，除百年萬里紫氣白雪外
無一開口，止何厭心生。則惡可已也。徐夜又袁
波旬乘其釁而入焉，蕩乎不可及也。一旦忽然
悟其為非，則既柔榆矣。答滕元琰書

梁田毅齋

先生舞象以來，誦法洛閩信之如神明，耆之如芻豢。
苟非其言，雖名公碩士不肯服。元祿中，憲廟方
崇儒術，郡國諸侯爭致賢良先生，以經明行修為
高崎侯所辟，以備顧問，無何會憲廟臨其第，召
諸儒令說書。先生與焉，論辨厚，委闢異端，醇如也。
高崎侯馭士也，嚴而有禮，先生侍左右四十年，小
心翼翼，毋怠干成。蛻巖壽家兄毅齋先生序。

兩森東

字伯陽姓橘通祢東五郎號芳洲粽師人對府
書記

吾自飲食衣服以至宮室爵位絕無偏好故閨厨寂然
家門無事此即可以質諸鬼神而無愧縱不及老莊關
尹以下蔑如唯平生最不堪者有四一曰詩惡二曰碁
輸三日身疼四曰錢無耳其所著橘窓茶話

余庸拙不肖素無片善之寸稱但世人所患疝氣痰火
頭痛痔瘡等症一無所有稟質健康年將八十又早托
托族家身無凍餒之憂長子雖亡次男三男可以保家

女子女孫早已出閭孫兒非無箕裘之望不亦人生大
快事哉王侯之貴素封之富非不盛也然非吾所慕也
此皆祖宗遺德父母養育所致平日祠堂香火唯有拜
謝不敢為祈禱之言蓋器小量窄願欲易足故也同上
余九歲時作詩曰寒到夜前雪凍民安免然我儕猶可
喜穿得好衣遊非不好也然及念凍民鮮有烟恤之意
似若安分而以好衣為言其為器也小矣同上
僕不肖竊立三家新案曰天惟一道理無二致立教有
異自修不一一生所得惟有此十六字耳未知果然邪
否耶同上

余用心唐話五十餘年自朝至夕不少廢歇一如搏沙
難可把握七十歲以上畧覺有此意思也是毛檀上之
毛了二三子用工亦當如此同上

人身之有少壯老灰猶天地之有春夏秋冬二十五年
為一時老夫正當冬時雖不目瞶已有死候之中亦何
求焉幸賴天假眼光精神未乏雖有病蓐之間未嘗一
日而廢講習古人老年儆戒非所敢望又非誨人不倦
之人只是借此消遣俟盡而已目下從遊之中有兒童
并孫兒共七八人小者七歲大者不過十四或以字或
以詩或以唐話朝夕相嬉不覺寂寞爭聒者午拍肯讀

昔口獎有瓜果與喫有佳話為講一來一往熟鬧竟日
取茶取茶隨意使喚真老境一樂事也

外閣部陳叔老師諱函輝原名煒台州臨海人乃我本
座師與我最相契今有子孫否子孫何如住寧海亦
不可知禮部尚書吳巒禔老師諱鍾巒常州武進人
此我恩負座師也我負劄為開國來第一乃吳老師
筆也今其子孫何如吏部侍郎朱聞遠老師諱永佑
松江華亭人其子望侯今何如我携其幼子某官老
師見識不明而止留得一人斯幸已已上三家汝不
能親住須汝兄弟一人特去或不能及待汝行後問
得的確寄書亦可常州五六日程台州三四日若至
松江順使問閣部張鯤淵家何如鯤老諱張肯堂松
江華亭人欲與我相親我三次拒絕之是呂與我極

不相好然其臨死一節可取不料其能決烈至此其

子張至大無恙否與諸孫男書

朱舜永在本邦也慮其先祖考妣之墳墓近城市而遭虜人殘毀不欲

敢身處安逸夏夜不敢作紗厨御示蚊蚋事見其答野

節書中其謹厚可見

潮田高教

高教赤穗淺野侯世臣為加東加西二郡案嘗以公
事在穗積邸邂逅整人田中子道的相得驩甚高
教頗知整有三味保童圓秘方的固請受高教諾
而不果元祿辛巳春會淺野侯刃傷吉良上野介
子一府朝坐大不敬自盡邑除高教挈家眷托北
條村黑金屋某乃從大石良雄出入平安江戸間
圖報主讎壬午秋八月至自平安居無何寄書的
叙契濶授藥方乃去遂抵江戸冬十二月十四日
與同盟四十五人殺言良事聞命四諸侯分囚

其衆良雄高教等在細川侯邸明年癸未春二月
四日賜死的聞而嘆曰賢哉高教也其去北條義
舉孔棘仰憂慈母俯矜妻子方寸亂矣而不能不念
昔日然諾從容必盡其心而後已豈非負固幹事
大丈夫哉乃裝演其書為挂軸祭以清酌廢羞拜
且泣愴然如聞其容聲云

說巖潮田高教氏年簡
記

大島喜侍 字之蘭 大坂賈人

大島之蘭以算學自負傲睨海內不肖時彥下久之
下京雒中根元圭既又因中根聞名於東都建部
弘賢氏建部與中根村筑相若矣而圭也鼻牧執
弟子禮猶大島於中根云之蘭名喜侍大坂賈人
成童喪二親賴家僮治產性疎脫不屑米鹽事專
嗜數韻悟不允乃延前田憲舒為舍客且夕請肄
居無何盡得其術後又從島田尚政講天元消長
業成而二師不及也比壯娶某氏有子心德中不
幸子母俱夭乃自奮曰天解我枷不得及斯時周

游四垂何埃因破產不復為意遂出入泉丹播備
阿淡間至即嘖、有聲譽潛心曆紀研究益精嘗
語人曰璣衡七政成於聖人、能盡其天而不
能盡後之天焉必一代闡一代然後有知至、之
者宋儒譚理或昧於數止論洛閩雖邵蔡實執拗
己不知曆無以為筭士也所著有天文誘蒙圖二
典考等書以事秘不行於世元奎得之蘭大說輒
印其學謂吾道不孤矣弘賢氏聞而竒之使奎授
圖理果躍如也諸州郡握筭門下者十有餘人而
攝与播壤地相接每歷游際自赤石始以故邑士

廢為最親炙主簿鷺田美矩立田勝長為門人高
第而武學入江修敬與焉美雖愚魯頗聞緒言有
尚書易春秋傳義闡於曆者就而正之入或譏大
島喜怒不節又有方人癖君子曰無傷也異材必
有異行斯知瑜矣其見器重如此享保癸丑春二
月輿疾至自阿以四月十三日歿葬于中莊長久
寺 梁琬巖撰墓碣銘

井上桐菴

吾邑鑿學井上氏之子桐菴夙誦稻若水具篤信二
公書慨然有治本軍之志遂入京從松岡先生受

業退而研窮弗措其所筆記有本草傳習錄本艸
製譜倭本草正誤桐菴雅言詩騷選名箋等數百
卷未采脫稿灸艸考一冊蓋其緒餘耳夫獲片玉
而抵鵲之富可知也蛻巖撰灸艸考序

釋如幻

南湖禪師者本貫江都產也天資穎悟孝順父母敬
愛兄長仁恕好施及貧寡孤獨年十四投平同鄉慈
照受業白眼雲和尚壯歲首衆于總州正泉嗣法西
來高禪師學通內外行化說法三十餘年叢林推為
第一初住總廣濟唱宗百廢俱舉四衆輻輳蔚為叢
席居止何為母之老婦省極其奉養矣後遂隱市中
而無常居自号元踪子扁室曰如幻師博愛衆善与
人交久而人敬之天生善詩歌長書画人爭求之以

為玆焉然師不敢自負托之以為隱身之術即是如
幻三昧之妙用也此以化其化者甚多而知其實德
者寡矣師向者著君臣和合篇教人以正心養性脩
身盡孝之道雖則本荀子之所謂以心為天府君以
體為五官臣若夫破四倒之妄示四恩之大覺十二
因緣之遠則荀子之所未言也今茲庚戌享保十師
年七十又著茗荷草授二三子其書潤美其画高古
其文平易稱之三絕亦可也夫斯篇且假菽與實和
訓相同茗荷與實加和穀相諧者以立其言且立其

名巧用俚諺能啟俗蒙蓋欲教人以誠實之意合天
道之冥加而已也至會神儒於佛乘譯梵漢於和語
直示一心之源說百行之本則發前脩未發之旨聞
後生未聞之言是豈教君子之可教諭小人之難諭
者非耶嗟夫師為人用心之勤矣本琴臺公所著
茗荷草弁辭

李衡正

附立阜 澄

名全直號梅溪又號潛高其先朝鮮慶尚道靈
山人仕干紀之南龍公為文崇天和壬戌卒

其父一恕字真采朝鮮慶尚道靈山人文祿之役為
我兵所掠來干此生衡正藩祖南龍時衡正以文
學承寵嘗賜莊地於城北梅溪因以為号後再於
城南大浦賜之因又號江西天和壬戌卒年六十
六其著德川創業依公命撰之其他述撰亦不數
衡正兼善楷書南紀風雅集

記

余嘗讀永田善齋所著李真采墓誌及衡正与朝鮮

聘使朴文源書考之真采蓋陝川府君李瑤六世孫為楚囚在我紀以教授為業博瞻強記最精易道藩祖待以客禮給其衣食寬永癸酉卒年六十三時衡正尚少就善齋受業真采遺文余統見編年互見跋一篇

李立直字瞻德衡正之弟為醫官

李德源名澄號清軒衡正子按李氏自真采世名其齋曰一陽故清軒常以一陽自行年六十五元祿

庚辰卒 併風雅集

吳任顯

郭陞墀

吳任顯明福建龍溪縣人避亂東渡來住吾藩祖賜之地居府下田中街稱為吳五官娶國人生二丈夫延寶戊午卒焉又郭陞墀號擇真子一號清閑道人亦明人來居吾藩或云陞墀亦稱五官世傳明季桑滄之變任顯與朱之瑜陳元賢等皆抗仲連之節投化于本邦陞墀亦在其伴行中余嘗索見二人遺篇久而未能得陞墀善書故時見其筆跡耳今並姑存其名貫於此以俟他日之收錄南紀風雅集

大島草菴

名常久一號耕心齋稱雲平世以鎗術命其家草菴博
學尤嗜詩歌旁通禪理晚年致仕隱于吉禮村山莊
因改今号元禄丙子卒思謚國初吾藩武人善文者
草菴为之巨擘况其子蘭玉並稱最為難得耳

天和甲子春草菴與其子唱和凡作七律十數首一時
諸子屬和亦多蘭室作之原

古心名守正稱伴六草菴長子官至司農食祿不石後
退休稱古心其子名正方從德廟為代來之臣任
近江守故古心晚年多居東都每蒙台府之寵問

元文丁巳遂没于都下南紀風雅集

草菴棲息處後為寺號日眼寺故草菴孫子有題日眼

寺詩同上

常正稱民右衛門古心之弟為松坂尹享保丁酉卒于
官年五十九同上

荒川景元

名秀字或作敬元號蘭室後又號天散子京師人學於
伊藤仁齋幼有才名年十六寬文己酉徵為藩藩記
室享保乙卯卒年八十二所著敝帚集一卷余藏之
其餘詩文逸篇頗多

蘭室弟稱善介以享保己亥卒其子某襲蘭室之家無
行除籍南紀風雅集

大高芝山

芝山余未詳其何人居東都或亦藩人同上

味木子

味木子乃城州宇治人遊仁齋之門業醫時亦在東都
見于東涯先游傳同上

宇佐美左助

名定祐號梅菴一號竹陰家世精于兵法所論述余覽
其文而未見其詩同上

竹田蒿菴

名定春稱慶安其先昌慶嘗入明學齋為太祖所寵待
封安國公蒿菴傳家業奉仕 神祖眇昧取渥後侍
藩祖徒于紀寬永甲申卒其詳有家乘存焉南紀風雅集

詩 風雅集載至誠無息一首云乾々君子常悠久博厚高

其學識之明是箇人欲識至誠無息處四時風物百花新註云
有素可知也又或云此篇乃定春之族定靜元祿中與荒川蘭室淺

井貫齋宮瀨元亭中島立閑諸子會於加納大夫第
所賦蓋蒿菴詩本不火而今復不傳

板坂意齋

名如春世通稱卜齋家本申州武田臣意齋仁 神祖
為侍醫甚被親近後從 藩祖遷干紀其著注 神
祖起居者數種又嘗校刻宋人馬仲虎編年互見圖
行于世永田道慶李真榮皆作之跋 風雅集
余聞之板坂氏自構文庫於東都淺草地多蓄圖書

梅田仙菴

名見周字道砥一踰養集學於永田善齋以教授為業
嘗寓浪華又遊高野後居城北白良濱其詩有養集
集一卷同上

淺井貫齋

名忠字一之一名玄香稱駒之助少而事藩祖蒙寵眷
公薨守其冢域廬居干鴨溪長保寺自號半溪為人
負奇節不與世浮沈元祿中竟因是得罪竄死干勢
州時年四十八素與諸學士相善荒川蘭室嘗序其
詩集李清軒亦有詩曰希世英雄豈我群堂 膽氣
尚兼文其事歷畧詳干流谷幽軒塵坑集

木梨遂成

字號未詳或號藥翁稱文左衛門余聞之其人嘗著改策一編水藩義公觀之嘉稱以為奇士其書今不復傳焉

藥翁所著十津川記蓋寓言也其編末云遂以一軸授其土人曰讀之可以為王者師也余意所謂一軸豈稱其所著政策歟

宮瀨玄亭

或作元亭號杉堂又號若巖醫官其名頗顯於當時詩社間而遺篇甚希 風雅集

澁谷幽軒 附杉村豐重

名方均一名佳成稱儀平嘗事干藩祖後致仕號幽軒又号閑棲菴少而受學永田善齋博覽和漢書綜諸家之言其所著塵坑集達天朝經御覽其他所述錄凡數十部悉記以和語年八十五享保癸丑卒平生善和歌而不多作詩其詳余別著幽軒傳

幽軒所与善有杉村豐重號釣玄子

向井間樂

稱五左衛門學詩蘭室有閑樂叢話專載詩話

蔭山淳父

名元質號東門少赴洛學於伊藤仁齋授生徒後歸國
舉儒職為人敦厚懇懇以博學強記稱詩賦非其所
好享保壬子卒年六十四

吾藩初未有庠校及正德癸巳歲 德廟潛藩之日始
設諸水門之地時東門與祇南海實掌其事爾後漸
次張里以至於今公遂致其盛耳

東門少遊京師與東涯同學相資故東涯年錄中時或
見言及况後官儒職以余所聞其所撰錄亦不少惜
夫後人不克家豈歸烏有

東門所著東門編二卷專載論贊等又排釋篇一卷尤
足見其識但詩絕無之并南紀風雅集

星合明卿

名尚細號福川稱與助享保中為國校授讀元文丁巳
解綬適他邦○同時又有駒井文佐池永四郎等皆
以布衣權為國校助講

鳥居興治

號春澤梅源之丞其父本熊野祝司以神道之學仕藩

祖春澤幼承其業旁涉諸書正享之間遂以其荷寵
眷居顧問之職寬保壬戌卒年七十五

山井居彝

名鼎號崑崙稱善六本州賀茂鄉人游學東都從物但
徠後徵為我支封西條候文學嘗赴足利學校雙
古書三年著七經孟子考文補異享保戊申告暇歸
卒于鄉里

垣内希八

名仲凱號東臯稱全菴世住于在田郡栖原從伊藤仁
齋受學後赴東都業醫享保中嘗一為府公所禮見
尋筮仕豐前中津侯兼侍讀壬子歲卒于彼地年五
十三所著有東臯前後集

東臯遊仁齋之門十三年目不窺洛下山園其篤學可
想也

喜六名鳳儀東臯之子學於伊藤東涯安永乙未卒于
鄉里年六十又有恂齋名敦義東臯之弟與兄同及
事仁齋享保壬子歲大饑恂齋悉散其家財救飢民

後不復作家獨居終身

鼎輔名文微號熊岳湯淺浦人東臯之族也事伊藤東
涯少而有奇才善屬文兼有能書之譽寶曆癸酉卒
年四十一所著有學庸考田間漫錄及熊岳集鳴鳳
卿序其集共南紀風雅集

東涯先生其愛熊岳之才如此篇先生亦觀之稱許不
輕然余謂熊岳詩才之美不如其文也同上其蘭岬
子蛇銷刀歌

岩橋景淳

名樸初名重任號坦室稱藤七國校助講初遊京師從
北村萬所受業享保辛亥卒年四十三余嘗見坦室
與長束隆朴往復書簡數通其文並佳更足卜二人
之造詣耳

正德中國校始立時坦室為助教年種柳二株於其側
數歲之後繁茂鬱鬱投學官木村滄洲作咏詩之祇
南海等屬和者凡二十人悉錄其詩曰館柳唱和集
藏在國校文庫

玄昇号必鄰軒称庄八坦室弟嗣兄職寶曆乙亥卒年

六十三

景周号謙堂又号雷澤庄八子游於蘭岨之門繼父奉其職寬政乙卯卒年五十七

長束隆朴

称新藏游学京師事伊藤東涯及北村篤所承古義之学

希

高瀬奇朴

名忠敦号雪山繼父其為醫官住東都篤好学尤精於明律享保中嘗奉命為其書撰譯義十三卷不終歲成而献之進班儒官之列寬延己巳卒年八十二余聞之雪山嘗以明律之疑義与物徂徠往復數番矯不相下今觀此詩其負望於當世之不輕亦可知也
風雅集元日詩注

上野義剛

未詳其字号海門隱於市終身不仕賣藥為業其舖号玉屋海門嘗喜李王之書後聞東都物徂來之名私

慕焉必享甲子卒思謂吾藩中葉處士好學海門為
其嚆矢如多田賜谷坂井清洲皆出於其流風雅集
按王弼洲所著騷十七首海門嘗作其箋註故其於自
運如以上諸作亦非善讀離騷難致此深者同上詩評

多田常輔

名成允号賜谷又号瑤池好個儻之行終身不仕肯又
不肯娶嘗從海門受業以能文顯室曆甲申卒年七
十四賜谷魚喜和歌其著有瑤池無盡藏
賜谷自負其狂尤輕視貴人有段干木之風今見其作
益信傲骨不屈同上詩評

岡本宜之

號柳橋稱文七國校助教明和辛卯卒其子甲稱文次

乙稱賢次郎皆嘗為館職

由壽郎賢次郎後為他官文化中卒

木梨玄宅

名孝胤号芳洲家世醫官以才技選勝侍京極王妃安
永丙申卒于京師

有馬元函

京師人世稱涼及業醫其祖名史闕号卧雲一号存菴

嘗受學那波活所與伊藤仁齋相善 後水尾朝為
御醫其名高於一時逮元函承祖及父兄之業仕藩
為侍醫所著傷寒論神解因其先說立一家之言安
永丙申卒其子元知為蘭嶋門人

平川春益

名建德号東川濃州人業醫与仁齋相善元禄中仕吾
藩尋歸京師卒東涯為著碑文

田中履道

名由恭号鳳泉又号均樓南海門人本藩士族嘗罢仕
以文雅為事 風雅集

鳳泉詩學之外留心臨池染指繪事此詩所言自嘲其
老於閑事耳 同上其漫詠評詩

坂井良寶

名周道橋姓號敬亭又自稱甕天野翁受業祇南海仕
為儒職天明癸卯卒卒年八十六其詩門人宇藤某
纂為傳于家云

孝若名惟卿号九華敬亭子敬亭老饗其職天明辛丑
卒于東都年五十三

北圃仲温

名恭號恪齋称茂兵衛在田郡栖原人世閑書肆于東

都彌十鐘房恪齋好學遊伊藤蘭岨之門天明壬寅
卒年五十二淡井太室為誌其墓

伊藤竹里先生没于東都二孤伶俦為人見困苦恪齋
營護自送諸京師人甚感其義

竹内太冲

名盈之號長水美濃人游學于東都師事服南郭安永
壬辰見辟為藩儒職仍住東都天明戊申卒年五十九

美濃部雄久

称内記國校授讀寬政壬子卒又同時有岡本成之稱
伴次湯川周行称善六並皆嘗為館職

井口仲虎

名文炳号蘭雪梅喜大夫世為市保長從海門受業明
和辛卯卒年五十三所著有考工記管籥經史考諸
史辭等蘭雪父名長泰字道順嘗字於伊藤東涯故
蘭雪後亦歸于蘭岨之門

太田子業

名惟勤号九臯梅七三郎蔭山東門外姪從海門受業
後入蘭岨之門仕為儒職旁好象緯之學寬政己酉
卒年七十一

坂井平七

名敏号清洲侍醫東菴弟受業海門終身不仕居市中
以教授為事寬政己酉卒年東菴名淳字亦有才思
俱南紀風雅集

黑岩道碩

名彦純号鶴洲業醫游伊藤東涯之門兼嗜和歌室曆
壬申卒年四十九其伯父正淳梅五郎兵衛篤信師

說同上

田中好問

號佩蘭本姓久保田氏日高郡人少游京師事伊藤東
涯有年矣後為田中氏嗣梅源兵衛官跡頗顯寬政

丙辰卒年八十九

小貫徽典

一名致道稱新五世寓藩士杉田氏家東涯門人寶永
中東涯南游以致道為東道後在京師業儒嘗跋東
涯辨疑錄

佐野隱山

名正意少而仕清溪公為侍臣稱市三郎自棄官遁于
城北山林以隱山為號好誦書嗜和歌甚有隱操室
曆壬申卒年九十七題其墓以和歌旁書曰死在岩
根骨也清蓋取永源寂室之句也 并南紀風雅集

石處士

名學魯号昂菴又号集松居士以草書名也祇南海詩
自注

木邨原進

名之漸号鳳梧又号兼山近江人事伊藤東涯寓古學
之塾二十餘年寬保中因東睿法王之薦徵為藩儒
職明和己丑卒歲七十六為人淳謹篤信師說東涯
沒校正其書者多矣風雅

任輔名奉尹号蓬渚本姓岩橋氏蘭嶼門人為鳳梧之
嗣寬政丁巳卒年七十餘同上

伊藤才藏

祖父君諱長堅號蘭嶼京師人仁齋先生季子享保辛
亥筮仕本藩丙辰伯氏東涯易筮告暇歸居古義書
院十年遂徙為紀人安永戊戌卒年八十五君承父
兄之學研尋益精嘗以其所見悉著詩書易等解詩
曰古言書曰反心易曰本旨其詩有紹衣稿並藏于
家甚有書名

祖父君少好詩賦嘗有明詩大觀之選而中歲以後專
意治經術不復以操觚為事適樵人之干請或乘輿
自作信午随口述之不旨論巧拙况調格乎其然溢

藏万卷天資拔金放而愈見老午段如以上諸篇乃
雖有壯老之別皆足以窺其藩域今不敢妄下品題
云同上櫻花因詩評

先考名濟字南容號亦蘭齋家業寬政辛亥卒年三十
九平生絕不作詩賦其所著先立齋文集余異日拔
其粹附諸紹衣稿欲以示子孫也

野田尚甫

名好古稱勘右衛門家於府下中洲因以為号一号華
陽少學於田瑤池有冰青之譽尚志不求仕晚年官
賜月俸終其身寬政辛亥卒年六十其詩有中洲遺稿

金谷世雄

名英号玉川父袒世醫官居東都給事藩邸玉川以才
學別舉為邸中掌舍助教寬政己未卒年四十一所
著有松陰客話及玉川集若干卷

藏田公民

名直道號梅窓稱半阿弥同用官從金世雄學詩寬政
庚申卒年四十五

河村子喬

名迂卿一名正忠號南阜稱又一坂井敬亭門人少坐
事謫居熊野後會赦歸為國校書記享和辛酉卒年

七十五

南阜在熊中不廢學常事教授故北歸後才凌館僚而
桑榆景促終坎壈以沒其身

河村士美

名延年號鶴山稱一良右衛門敬亭門人仕自府史至
顯官老後以嗜吟咏國君賜詩褒獎之享和 卒

浅井潤夫

名養德号澹齋世以醫仕住干東都嘗同其父勝女公
子適肥後熊本与秋玉山交凡歷事四君擢为尚藥
階法橋享和壬戌卒年八十四所著脚氣類方行世干

田中子恭

名正朝称弥一郎家世醫官任干東都子恭弱冠以
才學別舉与金世雄同为郎中學舍助教迁侍講
官經業之餘諳邦乘國典詞賦非其所長享和癸
亥卒年三十三

宮本良輔

名致英号四溟解褐國校書記迁助教享和癸亥卒
年四十四

土橋伯靜

名淵號赤水称平之丞初受業華陽後为川合春川

門人又赴京師從某公學本朝典故未及仕文化甲子卒年三十九

本多子和

名忠利号斗南称与一右衛門外野氏家老嘗及蘭嶋之門文化甲子卒年五十四

斗南志气不下人晚年遭積毀消骨而猶慷慨自厲

山本子和

名直哉稱定吉國校助教文化乙丑卒年三十六

菊池叔成

名禎号衡岳世仕本藩住東都少受業松崎觀海夙有

居時譽出入諸公子之門後昵近今公尤蒙寵眷數從節間濶雖在煩職而常不廢文事琴書以樂自文化

衡岳始称前藏後改称内記

乙丑卒年五十九所著有文集及相豆紀行等嗣子名元習字博甫今見襲先職尤篤好學余輯錄此編求藩士居東都者之遺篇博甫實贊成其事云

衡岳奉鳳翔公出為桑名侯嗣子連珠詞二十首文采辭致更在此詩之右其奉謝鳳翔公子賜思玄亭題額詩評

本邦近世琴學傳自明末歸化人心越禪師而其人品蕭散能會琴理如衡岳又有幾人同上

山本子謙

倉地子敬名惟恭號東籬其父名壽秀稱彥四郎國校助教安永
公通稱忠次郎
号南洞東籬之兄
丁酉卒焉東籬嗣其職博聞強記嘗除政府椽豫機
東都
南洞詩即賦歸務數年矣今公襲封丕修學政選為督學吾藩有督

學之官自東籬始為人温恭綜理館事中興規制多
成其年文化丙寅卒年六十二所著詩文凡三十餘
篇其它雜撰尚多並未行于世 風雅集

東籬為國校祭酒十六年矣常勉後進勵學行此亦可
以窺其典刑矣 洋宮呈諸子 其轉落云為期正月講明
德復同新

東籬平生無他嗜好但以作詩為閑樂故其與人唱和
或一韵至於數十篇應之者每才盡力窮而公尚不

輟筆 同上

齋藤子道

名從好号蘭畹稱安之丞府下工人之子生有奇才受
業山東籬後為洛醫中神氏所養稱常安享和辛酉
卒年二十八

左昔繆播陶潛皆自作輓歌盖耆老也予今茲二十有
一春秋雖富矣迩歲以來積聚為崇萎弱不勝正思
終焉之幾切擬往賢而作此歌 蘭畹撰挽歌自序

桑山大奎

名奎號職亭稱茂平次和歌浦土兵後移居朝日邨耕

稼馬文化丙寅卒年三十三其父名嗣燦號玉洲少
學画於洛東池無名專精多年遂自為一家寬政中
卒

大奎樹藝之餘時就余談詩駸々欲造作者之域比沒
揣摩已成而摧折及之遂令吾黨視筆頓閑豈不惜
乎

草野士行

名意齡號鰲峰稱弥左衛門少游于南海之門官至書
院番帥文化丁卯卒年八十五

蝦敬父

名惟義稱又玄初名希賢蝦氏又作海老氏在田郡湯
浅浦人以醫仕精於其學創興醫學院教育生徒嘗
從駕在東都同 台府醫師上其講席拜 台府之
賜文化戊辰卒年五十二所著難經外傳傷寒論通
解温病論等凡有若干編

川合子長

名鼎号大壑本姓喜多村氏為春川所子養補國校助
教文化戊辰卒年三十二

宮所德甫

名時概号雄水称富十郎安藤氏儒官文化庚午卒年

八十五少在東都及識大宰春臺氏

速水象之

名恒則稱仁右衛門安藤氏家相居于東都礪川邸
游春臺之門二十年延享甲子卒春臺為著墓誌

兒鳥仲舒

名忠舒稱忠藏住于東都為邸中學舍助教後補計吏
文化辛未卒年三十九

安藤南里

名次由一號華岳紀藩上卿田邊侯

久野白水

名純俊又號華峰丹州刺史

紀藩

岡野春章

号甘谷伊州刺史有居東槁蘭岨為之序

加納直恒

紀藩大夫老号怪遊數聞尤著

山高信興

老号程甫亦篤於學

木村子文

名義章号滄洲称七大夫享保中为国校提学

奥野元恕

名忠恒号鹤渚称字左行門酷嗜詩居吏局而常不廢

吟詠○鹤渚滄州在祇門有聯壁之巖

小關子威

名尚儀号明湖称新左行門

宮本尚美

号元洲称五兵衛

三浦義貞

号文端称左兵衛

津田彦祥

名久道号柳浪稱彦大夫○富教柳浪子号蘭渚称五

郎大夫

寺崎范卿

号雷泉梅藤助

村上茅甫

名继尹号稚川称又左衛門

南條瑛

名常成号南郊称小右行門

二村履祥

名之冕号蓉洲安藤氏家臣称弁左行門

小林子齊

名友貞号龍濱三浦氏家臣称佐次右行門

濱田翰

名維章号香岑称道迪以醫为業南海之弟○徂基号

文泉稱俊菴香岑之子

香岑詩神情婉約畧足遂伯氏馳驟

山本良斌

号錦川称十郎右行門

夾山

名妙心府南禪林寺開祖潘祖時最蒙礼遇後築室於貴

志村山中居焉名碧巖院寬文己卯寂

南谷

名庄之夾山法嗣寬文中追師跡隱于碧巖

淵澄

名妙守一作日守住宇津村淨心寺元禄癸酉寂師行

學卓異甚与深草元改相善有詩集一卷

南楚

字大江本州海士郡人幼從梶取松持寺長感學淨教

嘗在洛東永觀堂講法游化數年後歸住捺持寺聚
學徒寬文士子寂于北山知足菴年八十矣所著大
經義苑布薩辨等書頗多

惠空
惠空住府下中島淨福寺知識宏博嘗在洛東真如堂
講法元祿辛未寂所著閑窓倭筆梨窓三筆等書並
行于世又惠空先住名心意亦有才識嘗編古文真
宝三註大全

圓通

名道成熊野人塩屋村光明寺閑山禪師初從禪林
寺南谷得度後參黃檗獨湛人其室知識德行亦

為一時禪傑享保丙午卒年八十四其書圓通語錄
角虎錄等凡不下百卷云

寬文丙午師閱書於北山碧岩翌歲潛居城東慈峰忽
投玄機於是護大誓者三一者禁足五年二者徧歷
十年三者閱藏十年尋徒錫於南岳將滿此願適國
主亞相公遣使召師至府師乃作此而辭謙不肯離
山焉其詩云僧窓深鎖謝魚緣不測浮名落貴筵清
代只今湖海靜莫驚野水白鷗眠

法霖

本名慧林号日溪府南關戸村人入躋林道場祝髮後

嗣

赴京師事桃溪若霖博究內外典在龍谷講堂領衆
元文辛酉寂年四十九江州日溪正宗寺本桃溪所
住法霖繼之故号焉其詩有日溪詠錄

南麟

号謙溪藩人日溪弟子住磯脇浦安樂寺

日元

号水哉直川本惠寺主稱享寿院

門巖

府下禪刹窓養寺主彌勳睡軒善詩書上足名益師亦
有書名

長義

彌蓮湖府下中崎明見寺主南海之門

識純

号白不亦南海門人

闡榮

号浮休菴府下一向宗雲龍山本弘寺主

容宗

名文邃住府下吹上寺俗姓国本氏師事巖陽和尚学
禪

祖漸

名默洲住由良浦興國寺俗姓阿部奧州會津士族幼
復父讎後出家嘗在洛事大典桂州諸禪先天明戊
申寂

關庚

國初龍源寺主有一一和尚後亦住興國寺善文字禪
与那波道圓有方外交

若水

名墩号白華後又自称百化翁田邊城下海嶠山湊福
寺主

契璠

号龍野播州立野人熊野庄村宝珠寺主其著有龍野

随元

栖原村極樂寺主號松窓善書寬政丁巳寂

魁趙

在田郡別所村人家本賤毗自為僧就泊某授句讀未
數月誦習五經畧遍為同村滿願寺度弟後寂于和
州長谷寺年二十七

貞紹

号潯陽又号禹洲宇津村淨心寺主文化庚午卒
禹洲学涉内外才談文辭而性極真率故其詩多任天

機未及致思似可惜也

興山應其

初名日齋字深學俗姓佐木氏江州士族去武歸佛
天心中登野山苦行木食創建興山寺多起所在伽
藍兼嗜和歌嘗陪神祖及時縉紳家風詠數矣慶
長戊辰寂年七十五

勢譽

字宗淳号可中俗姓阿部氏泉州人興山二世初住文
珠院後代應其为一山貫首慶長士子寂又有書名

應昌

一名應周字深乘本那賀郡人勢譽弟子興山三世正
保乙酉寂師蒙台府數朝之寵侍末年多居東都
淺草紀尾西公每臨其寺又与林羅山善

立詮

初名了益字泉秀泉州人勢譽之俗姪其山四世博涉
内外典嘗奉釣命撰諸家系譜其餘著述不少晚
年居于鎌寬文癸卯寂年六十六風雅集載其和羅
山詩

雲堂

初名立英字乘音号宝月又号天岳泉州人應昌弟子

具山五世晚年浴居東鳳皇寺元祿壬申寂所著興山集廿八卷師又兼善書

寒巖

号竺月泉州人忘昌弟子歷立詮雲堂凡事三師

彦岑

名隆丕雲堂弟子後居浪華北野大聖寺彦岑与韓容

李東郭嚴龍湖等有小稿一卷

古道

名昭同号湛如雲元雪堂弟子淡涯懶性与世不遇耽吟善書後居干東都隱干市沒後諸弟刊其遺稿名古道

市隱錄

寂本

号雲石堂住宝光院俗姓長谷川氏城州深草人元祿

辛巳卒嘗作野山十八景詩

應山

字音宣号露星軒本州伊都郡人住宝光院德齋時

命为衆監時朝見干東都宝曆壬申卒以上俱風雅集

心越禪師

心越禪師名興傳明浙江金華府婺郡浦陽蒋氏子嗣

名順字季婉嫁佐野源内者生一子名成之字子信称
源内仕于越後黑川侯柳澤氏為世子傳多田氏自
幼讀書善詩及和歌及長通諸子百家好讀通鑑源
詔出入侯第教女公子者數家安永丙申之夏罹病
卒南畝先生撰其綽約集後序

奥田嘉甫

名士亨号蘭汀後号南山小字宗四郎長称
亭曰三角居所器械皆三角蓋取缺五之義人称三角先生
清十郎其先出干越之豊原後徙干勢州居
擲田川上年廿九應本藩藤堂氏之聘官至中
廳天明癸卯卒歲八十一

奥田士亨字嘉甫号蘭汀亭曰三角南山古稀所賜号
 也小字宗四宜休大人季为伯龍溪嗣服嫂堀口氏
 喪十四年正德二年壬辰遊学宇治十九年享保二年丁酉上京師事東
 涯先生十一年廿二戊子年命校名物六帖深叶師意
 尔後編述必專任焉廿九丁未年擢津府賜十口俸
 戊午元年加五口甲戌寶曆四年蒙命校明史半年句豆
 竣功癸未寶曆十年領百廿石庚寅明和七年東下留柳郎
 九月壬辰安永元年班掌鎖右褒學術也甲午三年轉中廳
 賞蓄書万卷與家丁卅負器械也丙申五年告老尚賜
 退俸十口隔日入侍或至夜分所賜画書扇巾衣裳

至襦帶山積不止等身矣今茲己亥安永八年不幸會嫡
 士元喪忝蒙西公存問仍有花資賜臣庶之家未之
 前聞也時歲七十七元嬪土井氏二男次曰正准冒
 冏部三女長配侄士弘餘大後嬪細江氏一男曰叙
 典冒吉村内外孫十四人婦孫七人五十年来門生
 踰八百今存百數身後恐或溢美自撰壽碣銘嘉永所撰
 壽碣銘

永田俊平

名忠原号觀鵠又号東阜性嗜豆腐号黎祁道
 人

君為人冲默謙虛口不言財利不藏人否物有温原長者之風少善書字李北海雲麾岳麓二帖其最注意晚年名聞于海内門人以千數平生自奉甚儉不貯長物性嗜豆腐葷血絕口信觀音管神午寫金剛孝經朝夕誦以禱之天稟虛弱善病寬政士子秋冒暑得疾遂不起卒日猶寫數書字辭世詩閣筆而逝末句曰孝經一卷在受用傳兒孫締交三十年終始如一余不能書每一詩成倩君寫之他有請者雖奴僕欣然書与之畧無沮色以余視之近世平安第一等人物也昔者王履吉温惇恬曠与物無競人擬之黃

叔度君其度幾平惜夫年命不永享年才五十五歲門人建碑于墓側朝貴撰文勒之二子忠誠相成忠誠嗣業不墜家教云

女嫁男婚累已輕惟將筆研慰平生跳龍翔鳳霄間
氣片紙殘繡海内名厨具黎祁屏四壁帖藏岳麓當
連城寫經緬慕曾山逸絕葷潜比輞水清拙句輝光
烟子午佳篇點劓索吾心巨卿不負東西約在江戶
時君約東下相訪果來至期玄度長尋風月盟每恨
以余为居停留寓一月餘望秋蒲柳脆尤哀惜日崦崦盈天公憤終難倚神
理綿誰可明邱壘輕介歎暮景鄭蕉京夢對孤檠

好兒賴有藍冰在隆碣仍傳華衮采昔曰凋喪空屋
指己辰運會幾傷情茫然三十年来事攀樹徘徊泣
壘六如著哭觀鵝引并詩

尾藤良佐

良佐又名孝肇字志尹號二洲姓藤氏家世稱尾藤不
審其系所由世為伊豫川江人生五歲得足疾靜居
一室不交人事少好作文長知講學以其多病不能
時敏而兩無所得然拘其閑洛說終身信而弗貳也
他無足言寬政辛未以布衣召入國學掌教事素習
疏放不能有益平人居常羞其曠職耳是可以取平

生惡世之文浮於實也而自為誌其所自撰墓誌

先生號二洲又稱約山其軒靜寄其齋曰流水袒亘觀
居士諱有美妣中田氏考溫洲居士諱宣邕妣西山
氏以延享四年丁卯十月八日生於伊豫宇摩郡之
川江邑明和中移住攝之大坂初配猪川氏生三女
其一嫁岡田氏其二殤次配飯岡氏生四男一女曰
采曰栗共殤曰高為繼曰乙六殤女嫁米田氏誌其
在時所自作也今不敢換一字謹刻石寘諸幽室從
其治命也卒於文化十年癸酉十二月四日葬於江
戶城北大家之里先生不喜著述唯有素餐錄中庸

為

圖解易係廣義五章各一卷靜寄餘筆國字心學指
掌一卷皆初年所著其成於晚年者有擇言稱謂私
言二小冊冬讀書餘三卷亦皆一時偶筆門人大阪
池暢謹記或是亦先生所自為託名門生

板倉復軒

君姓板倉諱九字惇叙鼻祖甲斐太守某臣平上杉憲
房云子治清仕于北条氏任於佐渡守太子孫相承
以至得信君諱正信實生君自始祖至君五世
君幼善射騎長習軍事好文詞性任氣節時游于酒人
亦不為酒困人之阨困匍匐救之甚己之私以故能

全活人然無自功之色以善飲德始君從木氏學小
成則曰士之祿仕固有可以為者將竭吾才以施有
政也凡今之仕也學之不講唯利是視朝方受命久
將飲冰吾未聞以政學者也君為人寬仁豁如容人
乃人之情偽亦蓋知之矣君居恒稱物有不可忘或
有不可不念君之行是類多云君年甫三十

文廟猶在於甲邸時以書吏仕其邸嘗與重臣論故
事重臣屈遂失意於重臣矣然君直方守正無因發
言為之地者則得免矣

憲廟臨於甲邸使某築行宮君以習事與焉為行

繁者以勞其勉者不日成之賞賜甚多

憲廟末年從甲來為朝臣甲來蓋

文廟也

文廟時君司職于納府頃之君以年老特優使令於
瑞春夫大人之官今之職也君始在干納府同察及
其屬坐贓罪者多矣事覺官急治之已遷他官辭所
連及咸逮捕之致法君獨以廉得免矣委蛇退公君
則進家人子弟循然善誘之曰家人嗃嗃吾未為
失独有闢睢之教而已我婦也其慎思視諸子曰吁
書曰孝乎惟孝友干兄弟施於有政爾曹豈有意乎

視

其於奴婢亦親遇甚然家室以嚴治之無敢狎侮
晚節慕物子之學遂令二子事焉君每得奇書騰寫
藏之凡數十百卷乃示諸子曰吾之黽勉求之實思
貽孫謀也吾不與其退也爾曹慎無怠哉君方罹疾
時或病心瘁則甚矣然猶尚強疾躄躄乎道途之間
以朝 瑞春官一日在宮病革攀扶而退歸則諸子
採藥以修己不驗焉及席未安而沒實享保戊申四
月二十有四日也君配齊藤氏生三男二女男曰敬
濟由女適武文安次在干家敬嘗學擊劔不說儒術
君常從容風喻敬因變節向文學後寢益進濟由既

從事物子皆異能之士云
越智正珪 君瑞著復軒先
生墓碣



